

濟陽江氏宗譜

卷一

③

漢代修譜序

漢代修譜序

漢





歷代修譜序

漢永元八年譜

漢文公撰

混沌既判而人文著矣乾坤交泰而物彙生矣人物並生于天地之間而人獨得其中正靈秀之氣故靈萬物而爲人原其始而生也翼匕煜匕總總林匕而後物分其類謂之類之同猶有大小修短墨白相殊之目而族之衆固有東西羣聚彼此相位之稱聖人以其人之族是其謂而姓分焉從其姓之人類會而某之又疎其謂而名繫焉此姓名之始也姓統其祖考之所自出雖百世而不變氏別其

3

3

族類之所自分或居其所而不更合而爲族宗派有主分而爲氏婚姻辟宗故聚而別也自姓統氏分之制變而枝派日已紊大宗小宗之法廢而族日已疎于是二姓不變數千百年其子孫動且萬計賜者別者更者冒者創者分者復合雜於難明而後譜牒之辨殷焉自周之小史定世系辨昭穆核漢隆興太史公修之世家然後譜學浸興矣故江氏之先稽太史言曰江氏與秦徐俱嬴姓伯益之後分封得姓者十一人江則其一也蓋緣伯益之後分封于江至殷有江旻者以國歸周旻之孫曰濟武王封爲東京


3

郡主見于春秋曰江人與黃人盟于質其後又爲楚所滅  
廢爲淮陽郡子孫遂以國爲氏繼後有江乙者說安陵君  
曰以財交者財盡而交絕以色交者華落而交渝後二世  
曰世良助周伐犬戎有功元王時封濟陽侯遂因爲郡爾  
二世曰元德遷于瑕邱故號曰瑕邱江氏受春秋于申公  
而申公受于穀梁子德之後五世至元遷居濟陽元二世  
曰京出師有功封烈侯京七世曰革時當薦亂能事母以  
至孝鄉里稱之曰江巨孝名遂聞於天下元和甲申舉孝  
廉尚書朱暉張林等上疏曰烈士出將軍之門忠臣生孝

子之家奉

聖旨詔旌表其門封賜故望巨孝里嗚呼龜紐龍文示故如  
新鸞披錦誥耿耿不磨世謂濟陽江氏者此其卓冠者矣  
世家而以是焉寧無謂故家巨族哉凡在宗人為後裔者

勉諸



唐景福二年譜序

衢州節度同討擊使裔孫

中評撰

嘗聞萬物本乎天人本乎祖猶水有源猶木有根也溯其  
源則流長培其根則枝茂若稽乎其祖猶系絲繹繁而弗  
替矣是故凡爲人子者譜牒之修不可不亟務也吾江之  
先自伯益之裔元仲受封于江其爵子見于春秋曰江人  
後并于楚廢爲濟陽郡卽今陳畱考城圍城地至漢有諱  
革者字次翁獨以巨孝聞于典籍有子曰庶曰幾曰忠皆  
列仕于朝而有散騎常侍曰統顯于晉上剪戎之策有功  
當時上莫之聽銅駝荆棘五馬南渡而群賢遷播矣統與

從子侍中道之後並徙東渡居山陰節度使回之後渡江  
居昇州統六子其顯者郡功曹儼國子祭酒霽七三世生  
宋太子洗馬億吏部尙書湛侍郎智深湛死凶邵之難贈  
開府儀同三司謚忠簡以子恁爲駙馬都尉智深以女孫  
后贈金紫光祿大夫億生子法成法成生子一子四子五  
並以梁將死疾景之難子一贈侍中謚曰襄子四贈黃門  
侍郎謚曰毅子五贈書侍郎謚曰烈儼再世生左衛將軍  
淹封醴陵侯謚曰憲恁生齊秘書監敦贈太常謚曰敬生  
四子其顯者秘書郎蒼驃騎諮議參軍祿舊贈光大夫謚



曰肅生陳孝子經經隋上開府驄蓋濟陽之江名見史者  
凡十人計其爵祿榮名實與六朝相終始何卓匕錚匕者  
乎迨至吾唐貞觀二年九月二十三日侍臣王僧儒賈蒙  
高士廉劉子元等分列姓望而江氏得濟陽郡且億公長  
子法存之後曰道興爲建德令子世源爲護將軍至予又  
任今職他如彥紹公以總公孫登狀元第而仕終禮部尙  
書策名仕版者不能盡述然則吾江子孫庶無忝于前人  
矣因族人攜家譜來會嘆平日之相逢如塗人者閱譜觀  
系共爲一宗嗚呼族譜之整敢不敬歟于是謹率其祖考

漢陽江氏家譜卷之一  
之由續而書之以示來裔庶知本源有在而敬愛有自昭  
穆有分親而宜親族而宜睦風俗興而禮義立矣

宋紹定癸巳譜序

古有世本錄所以定世繫辨昭穆紀名號別繼統者也天子建德因生以賜姓胙之土命之氏堯賜伯禹姓曰姒氏曰有夏賜伯尼姓曰姜氏曰有呂後世或氏于國則齊魯秦吳是也或氏于謚則文武成宣是也或氏于官則司徒司空是也或氏于爵則王孫公孫是也或氏于字則孟孫

3

叔孫是也或氏于居則東門北郭是也或氏于志則三烏  
五鹿是也或氏于事則巫乙匠陶是也于氏受姓命氏而  
姓系錄氏族志作焉其間功德時望積累綿延者不可多  
得而門胄興替不常者則又絕滅無聞焉梁武帝留意譜  
籍愍百家姓氏顛錯世系不通迺詔王僧儒廣集衆家大  
搜羣族凡十有八州一百十六郡編爲成書合七百一十  
二卷而著姓大族悉在焉後世子孫得知其祖之所自出  
也是以史稱安平崔氏汝南應氏並累葉有文才然未必  
能以而不墜其後范蔚宗云崔氏雕龍不過父子兩三世

耳非有七葉之中名德重光爵祿相繼人人有集如吾門者此范氏固優于崔氏矣及夷考蔚宗之系歷久無傳焉至沈少傅云少好百家之言身爲四代之史自開闢以來未有爵位蟬聯文才相繼如王氏之盛者信斯言也則王氏其殆庶幾焉江氏之先出于黃帝十八世孫伯益是爲大費改姓嬴氏佐堯爲虞官有大功德于民三子皆受姓封國長曰大廉受秦氏次曰若木封徐國爲徐氏三曰元仲封江國爲江氏自元仲而下至于今七十餘世矣而文才卓立致君澤民歷數千百年間而世世曾不乏人正沈

約所謂爵位蟬聯文才相繼之盛也故晉朝品量貴胄江  
氏得爲四海大姓吾祖以譜書貽厥子孫其言以忠厚孝  
友爲本辨昭穆而緝閨門次之遺禮具存班七可考所以  
貽後世而教子孫者可謂盡美矣昔夏侯亶大同中爲南  
豫州刺史初宗人謚爲衡陽內史辭曰亶侍立御座帝曰  
謚于卿疎近亶曰是臣從弟帝知謚于亶疎迺曰卿傖人  
何不辨族從亶曰臣聞服屬易疎所以不忍言也噫亶受  
方面之寄且對萬乘之尊而曲庇疎族則後人不尊祖宗  
之訓而楚越其骨肉者誠可耻也今編世系傳示來裔庶

幾迺相補緝永永其傳其有銳意特達者亦將因此而激  
昂淬勵以高大其門戶庶弗替前人之遺緒豈不偉哉

宋宣和辛丑譜序

鄉貢進士里人汪光大撰

江氏之族其來尚矣至漢而名始顯革公以巨孝聞于天  
下統公道公徽公以忠策顯於西晉元嘉時將軍湛以贊  
北伐而遷兵部尚書侍中敷以抑僥倖而遷工部尚書淹  
以文章諷論仕于梁而遷金紫光祿大夫太學執事總以

佐少帝而遷尙書令其一家奕世重光至于從弟子一子  
四子五當矣景之亂並以身殉國而流餘芳偉矣哉分居  
而晉宋齊梁陳隋唐之間一隅之地江氏之派班七列居  
文昌之位歷唐而宋復有兩尙書者武勲陞擢克振前烈  
丕承哉由溯其源而澄其流歷唐巢寇猖獗新安雖界一  
隅而毒流莫之敢觸當時之說唯以其地者可以遯迹是  
以歛之地名黃墩凡諸姓避于斯地者皆得保全故尙書  
父祖蕭翁遷黃墩而子曰洪復遷于婺源謝坑循歷山川  
窮深幽僻遂于金蓋山前闢草萊而廬阜居焉耕食鑿飲

果裕一家洪生子德唐光化年間超然風骨倜儻不群尙  
義好施嘗築梵誦之室曰蘭馨繹佛書以逸其老嘗得異  
人指居傍之地曰如葬于附木藤畔子孫可刻期貴顯遂  
記之曰龍躍天池勒馬旌旗貂蟬螯奕世名馳翁之夫  
婦旣沒依異人而葬于獅子山前駝負藤下壬山丙向葬  
後生子曰潛曰灃氣稟甚異驍勇有謀立武功甚銳當時  
偏方唐主李煜據于鄴錢鏐據于浙李重進據于淮及我  
太祖已興奈蠡賊洪細顏者以頑民弄兵近至肘腋遂下  
詔勅招義士且諭得其首者千金賞潛之兄弟應募而起



躬蹈賊營竟馘其首勇于智謀何以加焉建隆乾德間兵  
戈不息我太宗急于清定故募潛濔從之征伐屢有大功  
任殿前指揮虞侯官至殿中侍御史上在國光祿之勲乃  
制曰淬勵壯心訓齊義旅公于封部克著殊勲乾德年間  
兄弟致仕各有差等回鸞紫誥歸馬牧牛遂鎮南牖之下  
迄今水口之地以營其居壘堞環基卽歸兵之故址也

金紫公潛御塋虎闌旺林墩澄坑派管業銀青公濔御塋  
清華古縣基畔東園祠屋背後桂花園羅雲三門派所掌  
也二公之裔有遷饒之浮梁鄱之梔田光州之固始江浙

之衢州今皆顯盛遠近能通其世系也觀夫建隆乾德之  
誥勅乃宋之元勳居是邦也迄今百有餘載二公馬鬣之  
封松柏無恙猗歟盛哉稽譜系者緝而編之庶使後之子  
孫知源之所自出于是一乎書

元至正十一年譜序

三衢王東壽撰

夫譜之爲書古史官之記載也自宗法廢而人倫之教不  
明昭穆之分無別故眉山明允之譜興焉士大夫之家率

有譜牒上明得姓受氏之所始下記子孫世系之所由啟  
卷視之則親疎遠近不待辨說而明矣故羲皇葛天離運  
無懷之世遼乎夔矣五帝以來下歷夏商周秦存于世本  
之錄可見故傳史得依焉司馬遷稽之譜牒以成其書後  
之言氏族者益資以爲據自是以來漢有姓氏官譜而應  
劭之徒皆著成編迨魏以來置周邵中正立本設狀以求  
人才晉宋因之爲譜局有司遷舉必稽譜牒而譜官備矣  
摯虞首撰昭穆十卷王僧儒輩著書多至數百篇以至數  
萬言而譜學盛矣至于山東崔盧鄭而譜始分焉唐之譜

牒蓋始于太宗改于高修于申而定於開元曰志曰錄攷  
於諸史可徵也自是以來姓氏之書煥然而明矣且族之  
爲言簇也像夫物之羣分而類聚也姓之爲言生也言其  
所自生也氏之爲言示也示其所自分也自姓氏宗法之  
制廢而譜牒益無窮矣原乎江氏之先出自顓頊元孫伯  
益之後分封於江後爲楚所滅子孫遂以國爲氏春秋有  
江乙有瑕圻公受詩書春秋於申公江革江道世有令德  
至于江統江淹名載簡策漢晉宋隋以來代不乏賢唐末  
有名蕭翁者因黃巢之亂避地新安篁墩繼遷婺源謝坑

後有名潛溷者官至尙書迄今一百六世于茲矣其間人物興替不同貧賤富貴亦異雖然同源殊流自祖宗視之則均是子孫無親疎也豈可錄此而遺彼哉有江寶君偕族人因編家譜及墓田誌囑予校正余衢之愚人也學淺識陋勉承以塞來意其他居虎闈丞相古心居饒枝派同列庶見源流支分之不替矣吁譜牒之興廢族派之盛衰在夫子孫賢否何如耳江氏之譜源流炳然如此則凡後有興者率知尊祖敬宗之義子孫雖百世之遠其昭穆名分不問而可知矣是書爲序

明洪武十三年譜序

襲慶圖者信安江氏所以譜其族也由鼻祖應元公至宋漢臣公侍御歷世二十有二由宋及今又十餘世其始根于漢蔓于唐赫然花于宋吾知天之所以福其善人之所以嗣其慶者蓋未艾也上下一千餘年支分派別若親若疎尊卑井匕不紊何其韙哉吾聞源之深者其流長木之大者其葉茂如河出崑崙江出岷嶓水之有源者也徂徠之松新甫之柏木之有本者也故其流其幹遠齊湖海高平霄漢豈若溝澮雨集朝盈而暮涸榛棘叢生春榮而秋

悴者所可同日語哉然則天下之水一也而其流有遠近者源之異也木一也而其材有巨細者本之殊也今觀江氏之高遠若是得非源本之深大所致耶爲之後者能于歲事之餘指以示子孫曰某也親某也疎某也勤而富某也怠而貧苟貧也賤也雖吾族之不外也富也貴也亦吾族之不踈也如是則尊祖敬先繼志述事永保其流委之長柯葉之盛以無負乎本源之深且大者詎有已乎哉於乎本源之大深由良佐翁而上則既往矣然其流之綿長葉之繁熾良佐翁其勗之景仰之餘因題以序

洪武十三年五月初二日前翰林學士承

旨嘉議大夫知

制誥兼修

國史兼太子贊善大夫金華宋濂撰

明成化十五年譜序

虎溪駝山居士裔孫

濬撰

天順乙卯春先君與宗叔俊同擴修家譜予兄弟侍側聞先君曰譜之為書所以著姓氏定倫次叙昭穆紀文章政事冀後世不失其本敦族義也家而無此使祖宗一體而



分不數世而相視如塗人是譜豈可以無述焉吾江本伯益後賜姓羸至周封江國子孫以國爲氏積世以來枝葉蔓于陳留臨淄之地顯宦相仍垂名汗簡迨晉回公避亂金陵歷七顯要至唐蕭翁遷歛篁墩而子洪遷婺謝坑出金紫銀青兩尙書銀青之裔曰棣公遷虎溪傳派至今二十世矣余續斯譜以蕭翁爲鼻祖以前派系並依族伯亨三公原錄七世祖夢良公與古心丞相編例并參前國子助教深左司諫公望縉紳先生遜所紀世德相傳姑不失其本源而已以後派系則編次繼述凡生娶率葬皆書之

遺者缺之枝分派別尊卑井然不紊此修譜之切務也因循未成先君捐舍倏然十有餘年矣余雖不敏弗克繼志述事然譜之未續後人何以識祖宗之所自出族屬之有義哉於是兄淮取舊譜反覆校訂遷居遠近族屬關會支派有合者錄之不至者缺之無據者斥之斯乃分疎戚別貴賤之誼也是書將成濬乃校讐無謬增寫卽真瑩城二圖以便披覽世有銘誌詩文附錄以傳其無稽據者亦不敢妄述以傳疑于後深慚鄙陋不能合宗法之遺意然續其後裔必以倫次爲正昭穆爲序與夫祖宗之本源今昔

顯宦文章政事燦然昭著雖庸人孺子一覽可知俾族人  
觀之卽知其身之出于一人必興起其孝思之心敦其睦  
族之義矣見先世之簪纓蟬聯則必奮其好學之志紹其  
仕宦之風繩繩弗替以引之則吾兄弟遂先君之志於是  
編亦必有補于世教者也凡諸族子宜勉之哉宜勉之哉

明嘉靖統會宗譜總序

人生天地間皆一而已矣乾稱父坤稱母一之源也高曾

祖禰孫元雲仍一之流也雖曰同氣異形一焉始分枝分  
 派別一焉斯萬而不一之中有至一者存顧人無匪夷之  
 思及之爾今吾邑西江子澤合江姓而統會之吾見斯舉  
 也倫理正源頭清息義篤維持各教于誠心真切之地則  
 員顧方址遙七華胄吾不知其幾千萬狀而談笑鋪叙指  
 點方冊孰為一本孰為萬殊原一而萬會萬而一若辨蒼  
 素數奇偶矣果匪夷所思耶此余嘉得于俄觀創見而不  
 容以辭其請也按江之先本羸姓伯益之後分封得姓者  
 十九人江則其一也至漢而名尤顯有諱革字次翁獨以

巨孝名聞天下厥子三曰庶曰幾曰忠皆列仕于朝而有  
散騎常侍曰統顯于晉上剪戎之策有功當時上莫之聽  
銅駝荆棘五馬南浮而羣賢遷播矣元嘉時將軍湛以贊  
北伐而遷吏部尙書侍中敷以抑僥倖而遷工部尙書淹  
以文章諷論仕于梁而遷金紫光祿大夫太學執事總以  
佐少帝而遷尙書會其一家奕世而卓出者至于從弟子  
一子四子五當矣景之亂以身殉國而名議列侯之謚偉  
矣哉江氏之盛也故當時膏腴之地多爲江氏所居有曰  
江國者卽濟公之受封其後有移家山東濟南而福建興

化河南汝寧浙江錢塘九江德安類皆濟南之分派也有  
曰臨淄者卽元公之受封其後家陳畱考城而紹興山陰  
處州青田南陽諸葛里河南江家宅類皆考城之分派也  
有曰山陰始于統公而金陵建業昇縣清溪河南龍門諸  
派皆祖之江家宅始于總公而汴梁廣信旌德金鰲涇川  
杭州池州太平諸派皆祖之至于歙縣篁墩則由鎮南將  
軍彥綱公因避黃巢所遷遂家婺源謝坑而卒宏大家聲  
如金紫銀青者又有吳越侍御景房因沉籍陰德之報而  
子孫簪纓不絕至謂一門三侍御十子九登科者婺源桂

花園虎闡澄坑則托始于謝坑而派分子析如羅雲水路  
城東雙桂坊鄱之傍舍江家壩浮之長寧新合又或自謝  
坑曰虎闡者也衢有八派九枝則肇迹于開化龍游而溪  
殊徑別如歙北江村德興朱田都昌貴溪鄱陽珠湖又或  
自八派自九支者也其餘或出彼入此出此入彼殆如斷  
絲散繩誠不可以頭緒計也由是各望其地各宗其譜雖  
咫尺之近而有秦越之分視古人家天下之心殆霄壤矣  
今視江子之爲是也豈真家天下云乎哉蓋欲拔去澆漓  
之俗挽回淳朴之風使族之人各自其身推及于其父自

其父推及於其祖自其祖推及於曾祖自其曾祖推及於  
其高祖又自高祖而推及於無窮焉則同吾身者同吾父  
者同吾祖者同吾曾祖者同吾高祖者同吾分祖者雖有  
親有疎有遠有近有貧有富有貴有賤有智有愚有賢有  
不肖自祖宗視之則皆子孫也何有親疎遠近貧富貴賤  
智愚賢不肖之分哉無親疎遠近貧富貴賤智愚賢不肖  
之分則親之於疎思何如而敦睦之近之於遠思何如而  
時會之富之于貧思何如而周恤之貴之於賤思何如而  
維持之智之於愚賢之於不肖思何如而勸勉之殆見好



惡相同憂樂相共音問相通聲勢相倚綱紀相扶有無相  
濟出入相友會遇相揖德業相勸過失相規農末相資商  
賈相合水火盜賊相顧疾病患難相恤婚姻死喪相助強  
不凌乎弱衆不暴乎寡大不欺乎小一宗之中和氣周流  
仁風霽霈上無愧于祖宗次無愧于大家次無愧于斯譜  
矣善哉江子之爲是也然其輯譜說表世系叙節畧寫遺  
像而所謂匡之直之輔之翼之使自得之或者指爲無益  
之舉此不知譜者也烏足爲江子之議哉故曰不一之中  
有至一者存江子斯舉也能原一會萬真匪夷之所思也

已嗟夫一本之論見于孟子萬一之說訪于濂溪合天人  
而一之余固知在斯人也然譜學失傳久矣感發而興起  
者亦多也求如是光明正大簡切真實而易觀者蓋寥寥  
也余以是又知江子爲經綸之手而是譜信能爲統會也  
故併陳之以爲將來者勸

嘉靖庚子之冬十月旣望

賜進士出身迪議大夫北京兵部左侍郎致仕前南京都  
察院右副都御史奉

勅督管操江巡江巡海撫遼東燒荒防冬兼贊理軍務邊

儲邑北峨峯潘珍序

明嘉靖庚子年譜序

江氏鉅族也顓頊之後伯益之裔得姓于周武王之封不  
顯于齊東濟陽之郡南陽諸葛里河南江家宅歛之篁墩  
石橋婺之謝坑東門坵皆其祖派盛之尤者惜乎世遠人  
繁分徙尤多近如婺遷桂花園水路虎闡澄坑浮之江村  
長寧鄱之傍舍梘田皆以同幹異枝而各望其地各宗其

譜昭穆等降之序多不得其明者有矣由是虎班之裔號  
晴塘者奮激于講讀之餘而孰議於余曰吾聞三世不修  
譜比之不孝又云莫爲於前雖矣弗彰莫爲于後雖盛弗  
傳余欲承先君之夙志仰立言之一端提綱挈領合江氏  
而統會之先生其肯輔謀翼志而張主之乎余則勃然應  
之曰余與子善曾同硯席意氣相期苟有嘉謀遠志惡得  
不竭片長寸能而爲之助乎第先儒有云作譜雖矣事亦  
難事且世俗之情趨附何常必也負其名望位尊而道充  
日新而富有則言出而僉情服事立而天下法陳同爰所

謂繫籍聖賢是也余則一介書生慵疎儔耳安敢以愚賤  
自專自用爲哉晴塘曰不然夫天下事專于其一者必精  
久于其行者必工先生嘗以陳氏大成譜會遊樂四方協  
集遠近亦有年矣矧聞登先生會者皆其源深流長枝蕃  
派衍闕闕顯宦之家苟非操持有素作事有法者曷克如  
是其響應而不變也成于已者必成于人明於彼者必明  
於此也先生何以我爲郤耶於是不敢強其辨而抑其志  
遂諾其請而赴其會焉易曰鶴鳴在陰其子和之我有好  
爵吾與爾縻之若夫羸馬負山之誚夸父逐日之訊咸不

知所恤矣然而任之重者不可以輕舉事之大者不可以獨爲幸有澄源之裔曰峽溪晴塘之第曰栢坡相與協力分勞遠探旁搜奔走不憚繼而同志如桂花園之鍾山謝坑之雙峯浮北之鳳崗羅山者輔弼其間而草創之功多賴其半矣且其數子之存心也不以貧富貴賤分階等不以親疎遠近別爾我不以智愚賢不肖異趨向凡有源委煥然而可稽者皆羅入會共成厥美是則數君子者舉數百年未舉之典會數百年未會之人明數百年未明之序行數百年未行之禮篤數百年未篤之義謂之弊者皆一

鼓而空之是亦可謂善繼善述而光前裕後之最者矣然則任其托者可不盡心竭力以重其事乎哉潛心考究模訪效法閣筆于數月之間編次于旣確之餘是故有目錄以序其次第有凡例以示其程式有繪圖以歆其情思有譜說以開其愚蒙有節畧以昭其隱顯有遷徙以定其親疎有皂白以辨其真僞如天之生物也萬殊而一本故先之以姓氏之源姓其繁也一本而萬殊故次之以世系之圖世圖詳矣故次之行實行實著矣故次之以齒齒序矣故次之以爵念祖報功則想其形容而像其文物故次之

衣冠之圖貽厥孫謀而令名不朽者莫若文獻故次之以  
文集繩其祖武而紀綱不絕者莫若遺言故次之以家訓  
終焉夫次第序所以易檢閱也程式示所以定矩度也歆  
情思所以協衆心也開愚蒙所以知趨向也昭隱顯所以  
明出處也定親疎所以分厚薄也辨真僞所以實去取也  
姓氏別明一本而濬其源所以昭永思也世系詳究萬派  
而清其流所以序昭穆也行實著則善惡有分所以示勸  
懲也序齒則高年尊所以老老也書爵則恩命崇所以貴  
貴也遺像立所以垂功德來觀感也文獻集所以崇斯文



敦好尚也至于家訓已具則紀綱無不振舉禮義無不興  
隆冠婚喪祭之儀孝友睦婣之風藹然而可掬也夫如是  
則晴塘奮激之志庶或遂矣竭力同志之士庶或慰矣統  
會宗譜之義庶或備矣羸馬之誚夸父之訊亦庶或可以  
不多矣若彼絺章繪句駕空貼虛而苟且于一時者非惟  
不能實亦有不取也是爲序

皆

皇明嘉靖庚子十月眷生婺源霍口時齋陳瑄拜書

會宗譜序

皇祖功宗德由來遠矣故溯流者必窮其源觀于水浩七蕩  
七澍無涯際若華陰若底柱若洛汭大伾摠之積石龍門  
皆始于崑崙人之於祖也亦然吾派演出新安篁墩爲金  
陵望族其列在名區也纍纍焉若七焉不可勝數卽頌在  
星江者如江村如遷派不過一人而列數地及其久也家  
自爲氏人自爲族渙然無所紀極匪家乘記載其能敦懿  
親之好實難惟吾宗元公每合於詩曰天生此人好是懿  
德伯仲之友昭然以義森然鴈序讀斯譜也油然而尊敬

生藹然而禮讓接重本篤親毋忘所自是以歷宋元明代  
科甲第所賴以聯屬者諸宗公爲之率鳩纂修近則派益  
衍人益繁不再爲修明何以續前乘而成一氏之紀乎幸  
創舉者爲之領袖特再加釐定某也某公之產也某公某  
子若孫之所承也俾振七兮繩七兮炳如日星異日者卽  
鸞舉遠蹈猶得尋流以究源况宅爾宅田爾田幹年茲土  
者耶是爲序

皆

皇清康熙歲在壬申仲既望

婺源謝坑裔孫應添撰

清康熙甲子統修譜序

翰林秘書院

胡士著撰

江氏之有譜所以譜江氏之族也其先世始于顓頊祖伯益而宗元仲伯益嬴姓元仲其次子也以佐禹度土有功錫封于江子孫遂以爲姓周武王時有濟公者其二十六世孫也佐周而有天下益之封地國于江如故傳十七世地侵於楚避居濟陽因家焉則濟陽臨淄之派所自來也及於東漢濟公四十一世孫是爲革公次翁次翁少失怙奉其母以處嘗遭變亂負母出逃猝遇賊鋒欲害之感其孝誠得免于難鄉人稱之曰巨孝江子其後母終廬於墓

者數載服除猶止不去元和甲申舉孝廉尙書朱暉張林  
等上疏言烈士出將軍之門忠臣生孝子之家上以公爲  
諫議大夫永和乙未有詔旌表其門賜其里之名如其鄉  
所稱曰巨孝里因授齊相名聞天下夫孝先百行刪書斷  
自唐虞而堯典所載首紀克諧大德受命仲尼直于舜孝  
而必之良有以也天之所以酬革公者雖未若舜之盛而  
子孫世食其福人才輩出代有顯者殆未易更僕數也魏  
晉以來子孫蕃衍以至於今而濟陽之族遂徧天下山之  
東河之南北江之左右閩浙燕楚所在而是其傳系之叙

次遷徙之後先載於譜者較若列眉矣緬惟懷葛以前邈不可考今之天下皆五帝之後姓氏旣分而源流可接使各本其先世而家爲之譜譜必詳所自出疎者無近近亦疎也親者無遠遠亦親也枝附於幹七依於根天之生物使之一本極諸百千萬億而一本者固自若也由是雖爲旅人於外在途次之間而相見必姓通由姓以得世由世以得其年四海之內皆兄弟也未有兄弟而不以齒讓相先者况於吾祖父之列乎遠者如是豈其近者而有不然然則聖人之教所以行而王道之大所以四達而不悖者

何非此物此志也耶若江氏宗譜之作則又非自今始也  
其見於昔賢之著述者在漢則有太學執事永才序江氏  
實錄唐有節度使回述其宗立碑於建康晉有薦紳先生  
遜修江氏統序宋有諫議大夫珍國子助教深總江氏世  
譜元有進士冲纘濟陽源流明有學士承旨潛溪宋公暨  
兵部主事謙峯胡公爲之紀其實綜其序凡此皆載於前  
譜明嘉靖間其族之在新安者旣輯而次之無有失墜然  
當時之主其事者第循舊籍所載足跡旣未遍及而間於  
遠方者或猶有不與知或知而不及奔走以來會及書之

成則不可復入故尙多闕遺自時厥後族人之爲仕宦爲  
商旅相見於他州者率以爲言曠未及舉康熙甲子江子  
拙田慨然感興率其宗人之淇等不憚勞瘁涉歷數州悉  
取其家乘由後溯前以屬之於革公其有姓同而舉其世  
則不合者寧闕而俟諸必無混也而後敢以登誌慎也夫  
譜之作豈惟以矜氏族之貴門第之盛而已蓋將以順天  
之性而立人之道天之性人爲貴人之道親親爲大記曰  
親親故尊祖尊祖故敬宗敬宗故收族收族故宗廟嚴宗  
廟嚴故重社稷重社稷故愛百姓詩云不顯不承無斁於



人斯此之謂也記雖爲有國言之然敬宗收族之義自天子至于庶人何以異哉如使人懷江子之志而親以及親無胥於遠則仁讓可興禮樂可作以助王化之成於是譜端有賴焉非獨整齊其世傳而已吾爲告諸觀者忠孝之心夫亦可以油然而生矣

大清康熙甲子歲仲冬日至日

內翰林秘書院通家眷侍教生胡士著頓首拜撰

清康熙甲子兆田譜序

裔孫 南勳謹撰

自古王道首重親親聖學必先孝悌譜則親親之要孝悌  
之統歸也有譜則子孫遠近可以相親家誼如故有譜則  
伯叔親疎可以共享蒸嘗一體有譜則祖宗墳墓可以相  
保億兆併力若是乎譜之不可以不續修也然而前人之  
述備矣第自晴塘翁續會以來殊又一百四十餘年而世  
運推遷治亂不一明末清初烽火迭見求譜之存者寧幾  
何哉不蚤於灰燼之餘而搜求之續會之吾恐其失墜者  
多矣嘗集族而談則老者傳聞曰吾江某之後某祖生某

某復生某某處與我同一本某宗與吾同一枝某枝由某  
祖而分某宗由某處而別所謂千萬人之身原本一人之  
身也一人之身分而至於千萬人年代愈遠分派愈繁一  
有遺失猶之木本有斷而水源有混也老者之言所傳雖  
清其所接續猶恐有間何則不實見諸前人筆墨而聽其  
有無可乎是故業憂前譜之無存復虞後裔之難繼嘗冀  
一人以爲之倡尤望衆人以爲之和引領數載曾不一見  
况見他姓異族者紛以修譜爲事心愈迫焉乃欲與一  
二同心者挺身奮力而爲之庶幾不罔生天地之間不罔

為父母之子祖宗之孫也適有浮北啟潛元登諸宗丈來  
會鑄修樂莫大焉不即與漢唐宋元明歷代會修之賢比  
矣同功而為孝子慈孫之最者哉予乃欣然與子緝則威  
同事於斯而勞怨不恤始得茲譜告成焉此會也木本立  
水源清同氣連枝者益盛雖世遠星分而一時雲集會合  
之功不幾兼聖學王道而擅厥美哉後之視今亦猶今之  
視昔敢竭鄙誠又以俟後之君子云

而念其宗由某而後世謂千萬人其良氣本一人之  
氣於其某某與世同一本其宗與吾同一姓其對山某

丙戌重修統宗譜序

譜者上溯功德之隆下篤宗盟之誼者也是故極之黃炎  
虞夏數千百載之遙而詳厥世系俾祖功宗德炳如日星  
推之南朔東西數千百里之廣而聯其脈絡俾萬葉千枝  
總歸一本此蓋仁孝之思纏綿固結於以闡揚先澤嘉惠  
後賢寧第連篇累牘序世次之繁文已哉余閱江氏族譜  
其先世本自顓頊至伯益季子元仲封於江以國爲氏歷  
夏殷周元仲之裔濟公佐周而益之封地其爵子國號如  
故春秋時併於楚廢爲濟陽郡此濟陽江所自來也漢有

革公號次翁純孝升聞子孫蕃衍昌熾積善之家必有餘  
慶信夫晉有統公官散騎常侍忠於王室上徙戎論而不  
用其從子道公官侍中劉宋時湛公死逆邵之難謚忠簡  
梁有淹公擅文章陳有總公官僕射吳越歸趙宋時景房  
公有沉籍之功其亂彌盛宋末萬里公國亡死節贈太師  
謚文忠此皆傑然特出者其他績著旂常勲垂廊廟嘉言  
懿行碩士文人不勝殫述歷魏晉五代隋唐宋元明枝蕃  
派衍各望其地各宗其譜山之東河之南北江之左右閩  
浙燕楚所居成聚濟陽之族幾遍天下吁亦盛矣哉今江

子維山建三等懼功德之湮而不彰也宗盟之渙而不萃也爰輯宗譜而重修之其殆仁孝之思油然而動於中而不能自己者乎且夫一人之身分而至於百千萬億不可窮盡其初本一人之身也血脉相流通意氣相浹洽所謂天之生物使之二本無容岐而二之者也世之人骨肉也而秦越視之手足也而寇仇視之甚且閭墻起釁同室操戈此其人不知隆一本之愛又烏知溯源於千百載之遙尋流於千百里之廣哉今江子其亦有鑒於是而仁孝之思油然而動於中而不能自己者乎然則觀斯譜者溯巨孝之

世德則思所以事親仰忠貞之遺範則思所以事君且思  
百千萬億之人而原出於一人之身如何而萃聚之如何  
而敦睦之如何而友愛任卹之將同氣同體之愛隆而閱  
墻操戈之釁息和氣流通仁風浹洽雖數千百載之遙功  
而德愈顯數千百里之廣而宗盟益篤則斯譜之重修其  
敬宗收族之意豈不深且遠哉若夫昭穆條分尊卑不紊  
支派縷析遐邇周遺則有舊譜紀序之文茲不復贅

昔

皇清乾隆三十一年歲在丙戌十月之望



賜進士出身

特授通奉大夫

予告順天府府尹

恩加一級前光祿寺卿鴻臚寺卿戶科掌印給事中掌浙江

道監察御史翰林院編修三侍

經筵

京察加四級新安海陽雙橋程盛修拜撰

重修譜序

丙戌之秋余嫻友江子維山具書幣延余至譜局余以弗暇辭屢次敦請弗能却也乃應命焉余繙閱江氏族譜其先世本自顓頊至伯益季子元仲佐禹度土有功封於江子孫遂以爲姓元仲之裔有濟公者佐周而益之封地國號如故春秋所紀江人黃人盟於質是也後地併於楚避居濟陽相傳爲濟陽江云漢時江姓始顯 革公以巨孝聞於天下厥裔彌昌西晉有統公道公以忠策著劉宋時湛公以忠肅稱淹公擅文章於梁總公爲僕射於陳歷魏

晉宋齊梁陳隋唐支派蕃衍簪組蟬聯濟陽之族偉矣哉  
唐末有尙質公字彥綱遷歙之篁墩其子洪復遷于婺源  
謝坑洪生子德尙義好施佃僮有大志德生子曰潛曰澧  
曰海曰源潛澧二公武藝軼群驍勇有謀宋時官至兵部  
尙書贈銀青金紫光祿大夫其後潛公遷婺之曉川又遷  
光州固始海公遷越州江陰源公遷歙州溪南而澧公仍  
居謝坑故里澧公之裔有遷婺之羅雲長源水路澄源虎  
聞港川者又有遷浮之江村水龍口通泗橋李施渡與鄱  
之芝城珠湖傍舍規田山田兆田者餘或遷楚遷浙遷江

之左右枝蕃派衍不克勝紀則澧公之裔正勃興而未有  
艾也今謝坑祖派有維山堯望公衡羅雲派有建三全五  
靈昭長源派有登雲之數子者咸抱仁孝之思篤一本之  
誼不辭勞瘁跋涉間關聯百餘派宗譜而統修之建局於  
謝坑江村之祖祠吁其可敬也夫其可羨也夫譜事告竣  
爰綴數語于簡端公光懋德輝錫良言藉未報官至矣將

皆

乾隆三十一年歲在丙戌十月之望莘原荇溪汪文藻書于

濟陽譜局

續修譜序

周禮以九兩繫邦國其五曰宗以族得民厚本之道也然有本必有枝續譜者非其本而冒其枝與固其本而遺其枝其失則均如不知而冒之遺之誤也知之而故冒之故遺之悖也悖之害更甚于誤故君子病之不使冒不使遺譜于是乎得矣江氏自元仲公得姓以來至漢革公而後分遷雲初何啻億萬徽爲最衍占土地長子孫者何限也朱子云三世不修譜者不孝自甲子迄今八十餘載如再不修則昭穆不序等級無分使支親數服之外視如秦越

烏知一本之義見同根之盛哉是以江子慨然有志於此  
謝坑江村派維山同姪公衡堯望羅雲派建三同弟全五  
及子靈昭長源派登雲諸君子或總理或秉筆或咨訪遷  
徙撮合諸族奮然興起開局於謝坑江村祖祠而倡修之  
考諸明季嘉靖庚子

國朝康熙甲子二譜于缺者補之訛者正之防其冒也于支  
派之有疑者悉謹而遠之惧其遺也于支派之有據者詳  
察而收之凡舊譜所無而今有之者則以據其祖派之所  
報及遺文之可徵務秉真切之仁持不苟之念使真出于

濟陽者無所冒亦無所遺焉則氣脈流通而仁孝之思愈  
遠葛藟之庇益長尤慮此外有地勢所未及願俟後之作  
者考實而兼收之則敬宗睦族之意及於無窮矣是譜也  
始自癸未冬告成丙戌冬予忝葭葦又兼賓主命序于予  
爰書此以誌維山建三諸君子之用心云

肯

乾隆丙戌一陽月中浣之吉迺峯畏堂

汪文俊

拜撰

婺北羅雲譜序

乾隆丙戌年冬月裔孫起俊謹撰

羅雲居婺之北昔爲桂花園陀川里今日臨城里羅雲是也溯其淵源始自尙質公唐末避巢亂居歙之篁墩子洪公遷婺之謝坑傳子德公倜儻有大志恢宏先猷生澧公字季祥驍勇善謀功著廊廟至七世孫仲忠公見羅雲有水遶山環之勝雙旗拂霧兩阜蟠虬于宋欽宗紹興丁卯始遷居之其先居有羅姓者泯沒無存而澧公之後繼遷此因號曰羅雲與清華相距數里澧公墓在清華東園胡祠住後子孫便於省墓故樂居焉竊念澧公以武舉



登擢任宋兵部銀青光祿大夫 仲忠公生于宋徽  
宗宣和壬寅以紹興甲戌進士先任已城江陰二縣令後  
任河南郡守文韜武畧列仕於朝有足紀者今羅雲爲  
仲忠公始遷之地而由此而遷有橫坑口有水路有白塢  
以及洪村隱山西園坦等處發越之盛林林總總非 仲  
忠公之蕃衍乎爲子孫者旣支分派別渙散異方將必隨  
地鍾靈應時傑出但人祇知吾父吾祖而不知吾父之父  
吾祖之祖推而上之雖千百世之遙可考而知也粵稽東  
漢革公爲一世始祖則漢 公乃三十一世之祖而仲忠

公又三十七世之祖也譜牒不修世系何由以定茲值統  
譜續修之會俊愧不才謬肩董理溯本尋源願後之仁人  
孝子體先人一脈之誼無忘同宗之雅不獨知其父與祖  
之尊親當知父之先有父祖之先有祖孝思之感通有追  
及於無窮者將見敬宗收族之誼旣明而木本水源之思  
益篤禴祀烝嘗春秋弗懈親親長長倫序雍和斯無負於  
修譜之意也夫譜事告竣爰擲管而爲之序

宗宣味壬寅以臨興甲辰歿士於廿日煇武劍二林合葬  
祭野於梁汝海題青金紫光赫大夫 幹忠公主于宋

類編 婺西澄源續修譜序

萬物本乎天人本乎祖由祖而及于身雖枝分派別總屬  
一源由身而上于祖則宿海岷源難忘所自此古人譜書  
之所由作也吾族自洪公由歛篁墩遷婺北謝源賂同公  
遷婺西杉坑墩上仲舉公遷澄源至子高子壽兩公又分  
爲澄源內外兩門載在前譜瑛七可考前明嘉靖庚子虎  
溪晴塘澤公與吾族硤溪遂公合訂全譜越五載而始成  
至本朝前甲子歲鄱邑兆田又續修譜系余山居多暇  
因檢兆田譜按之見其生配歿葬多不備載不禁有疎略

之恨他派姑不具論卽以我族言之不但生配歿葬已載前譜者俱已遺錄其承接世系且有訛紊刪抹者矣如孝同有弟晚同而兆田譜不載尙備爲元瀚三子而兆田譜悞續元泮畧舉兩端已見訛謬余不禁憮然興嘆曰是誠訂修之爲急也今甲申春月謝源宗老以修譜之役見示余又不禁狂喜曰所謂訂訛復舊續以支系昭示來茲者其在斯乎因檢庚子譜而脩錄之協謀耆俊續以新支其間生配歿葬可詳者詳之間有無從查核者則姑闕之非敢過有詳畧亦不敢妄叅臆見耳夫余今日矢慎矢公敬


續成編喜得伸余夙志者要吾族中黃孺人之力也憶吾族所藏庚子老譜自甲寅不韙幾至灰燼賴外門文都公之配黃孺人攜遁山中始得至今尙存萬一遺棄後之人其孰從而考之今者余西山日暮不克奮繼鴻猷恢宏先緒竊願我族後起凜藏家乘以昭茲來許由是尊祖而敬宗敬宗而收族共體尊親咸敦一本如蘓氏所云孝弟之心油然而生是則余屬望之深衷也夫

皆

乾隆甲申歲夏月

穀旦

銀青光祿公下澄源內門五十八世孫起鎮頓首拜序



Faint bleed-through text from the reverse side of the page, including characters like '余', '山', '暮', '京', '會', '歸', '鄉', '州', '武', '天', '甲', '寅', '不', '獻', '幾', '至', '瓜', '懸', '煎', '收', '門', '文', '將', '公', '餘', '意', '誠', '喜', '許', '軒', '余', '風', '志', '香', '要', '吾', '城', '中', '黃', '黨', '人', '文', '代', '亦', '能', '書'.

關大婆北四大老江系序

吾休與婆連壤多世義嫻親憶雍正乙卯在郡與婆北十  
六都江君羽和庭芳曾唯起兆諸竹林同寓言其族自江  
材羅雲有勝五勝四勝八勝七四公分住旋溪椿源田前  
均背等處里人稱爲四大老江前譜因主修未得其人多  
紕繆闕失今須急修而難其人殊至慨焉余自別後叨第  
黃岡籍庚午冬歸里祭掃同昌江宗叔東曙過休西宗里  
磻溪謁其西席卽江庭君也詢及當年郡會諸君不勝存  
亡感嘆且言其譜尙未有主修者伊與宗叔庭書慮其久

而漸失也預集支系以待出以示余足見江氏諸君仁孝之誠潛心于家乘已久竊爲躓焉此後宦海茫茫天涯杳  
比今忽接東曙叔郵緘言江君之譜已就囑余序之余思  
諸君支系久成於昔日統修忽見於今時仁孝之懷已遂  
其樂可知吾當持觴以賀無如遠莫能致若夫江系出於  
元仲以國爲氏革公封濟陽而爲郡止水傭邳忠孝昭垂  
于家國夢花映月文章顯耀于乾坤洪公德公橋梓也積  
德累仁靈毓仙藤爲吉兆灃公潛公兄弟也文經武緯功  
開大宋著元勳科甲聯登輝後先而不替江源有本漫湖



海以無窮猗與盛哉吾亦焉能覩縷惟當年閱其支系人  
文蕃盛也齒德高崇也觀其景詩乾坤聚秀也山水鍾奇  
也何自分遷來科名未顯仕籍鮮登盖如古南村風淳而  
俗美以高尙林泉爲樂奚有于仕哉雖焉出處隨時窮達  
皆善北山魯移商山亦出諸君無固也斯譜告成宜諭諸  
弟子乘時利用以昭盛世之文明移孝作忠以繼華先之  
事業吾儕世義亦有餘光奚必效陶潛懶折腰哉因序而  
并及之

乾隆三十年歲次乙酉端月

穀旦

賜進士第年家眷教弟枚寧 張念祖頓首拜撰

附四派里居記

旋溪卽水路去邑八十里山若屏開水如帶抱有十三墩  
原名水路墩世有高賢義士懿德芳徽子弟能恪守先訓  
不尙紛華惟務本業故士農工商各事其事物產恒豐有  
雍熙之象自友維公羅雲遷此子海公孫肇一公肇三公  
一公二子長勝五公仍居故里幼勝八公遷椿源三公二  
子長勝四公遷均背幼勝七公遷田前而嶺下西園坦又  
自勝五公遷數村聯絡歲同祭掃稱爲四大老江云椿源

卽白塢隔旋溪里許源頭有大白石水流十餘里至白石  
山又十餘里至村故又名白石源山鬱葱水湍碧世毓文  
章道義賢良方正之人而婦德節或載邑乘或書家譜者  
彰匕然以山多田少爲耕不足多商于吳楚之遠有數年  
不返者歸家如客村有八景之勝曰東閣書聲西疇稼色  
南鎖石門北流玉液十里篁風雙堤梧月玉坦觀瀾霞山  
攬勝諸高人題咏并詩引俱載椿源里記均背卽旋溪朝  
山之負原勝四公自副使歸隱之所堂名秀水遂居之今  
子孫分住遠近不一故坵皆爲彼黍田前距椿源三里甲

乙閩變移任椿源嶺下今惟祖墓在田前耳

山之有泉源四公自臨動輒然之取堂各表水

對祖墓高人應和共持世身壽林樹里暗似竹

南巖台門此流王郊十里楚楚雙對蘇氏王世


不幾香醴案收容林音人景之湖曰東閣善聲西

漳小然以山多田少穀糠不取冬南干與雲之

章並舞贊見八五之人而秋亦猶也肆馬乘如書

山又十翁里至林對又谷白公懸山簷慈水端

鴻白燕翻鼓對里持願更育大白吞水或十翁



尚書潛公勅

制 右軍御前總管克婺源右義寧指揮第四都軍頭虞侯  
申報本部公事江潛 義勇可稱才能夙顯暨登戎戍允  
著殊勲宜渥朝恩寵陞華秩欽承獎陟勿怠忠勤可授銀  
青光祿檢校 國子祭酒兼監察御史上柱國江潛餘如

建隆元年七月

日誥

尚書江潛

尚書潛公再陞誥詞

誥 淬勵壯心訓齊義旅久于封部克著殊勲宜與渥恩令

沾階秩精義勇列勅 如右符到奉行

乾德三年八月

日誥

澧公再陞誥詞

制 右軍御前總管充婺源縣義寧第二指揮第四都軍頭  
 虞侯銀青光祿大夫檢校國子祭酒兼殿中侍御史上柱  
 國江澧 夙飡戎列久鎮邊郵訓士卒而有方護保障而  
 無驚載言勞效允合甄升祇荷朝恩更兼忠節可授兵部  
 尚書銀青光祿大夫檢校國子祭酒兼監察御史上柱國  
 江澧餘如此



勅 如右符到奉行

乾德二年八月

日給

符



以乾德二年八月

蘇末融通戰禦於不列于

于受命在昔

成典又陝出

南宮又

蕭曰

家

宋丞相萬里公咸淳八年賜詔

詔曰 昔周文王之即位也詢於虞咨于醵度于闕天謀於南宮又諏訪至于蔡原辛尹所以謀治政於羣臣者皇皇如弗及矧由我先朝之故老大臣乎天降割于我家予小子受命亦惟艱哉欽承茲訓夙夜弗悞克荷永為萬方之統未燭厥理繫欲不改于父之日亦惟於父之日是謀卿以諄心正學輔國視政超覽淵識為時耆艾若朝廷之典章軍國之機務生民之休戚治政之得失常皆履而知矣今端居深念豈無欲為



朕言乎書曰爾惟舊人爾丕克遠省爾知寧王若勤哉訪  
予落止于是未艾願卿悉心以告以副益國公孫文恪  
朕憲行乞言之意故茲詔示爾宜知悉勅贈 丞相忠臣

江萬里 而言曰臣 君捨已附主施能千秋忠烈萬古  
名卿

朕謚加之而爲之贊卽附受 命承奉早恩行准此  
皇宋咸淳八年 贈詩曰 惟德至厚 惟仁是尊 名  
香千古 昭昭乾坤

贈萬里公夫人黃氏贈南康邵夫人誥

臣事君以忠入躋樞莞婦從夫之貴下及閨門雖不幸而  
悼亡亦必忠之愍錫厚之至也榮孰大焉丞相江萬里故  
妻黃氏賦性柔明持身專靜勉其君子早諭蹇諤之忱宜  
厥家人允極睦姻之美迹此登延之貴用迨內助之賢已  
錫魚軒申加鸞誥義莫崇于伉儷恩寧間於幽冥而居有  
之已悟鵲巢之應如可作也尙崇馬鬣之封 萬里公值  
大元革命之際赴水而死贈太師追封益國公謚文忠殯  
都昌四都實息灣弟萬頃號古涯曾爾映寧王荅懺姑

古心丞相達宗書

萬里叨恩仕版水浮陸走者幾年矣恭承朝命凜七乎  
有鈞調燮理之不可勝任其所幸者邊郵寧謐禾黍連登  
賴一人有慶得以脩位宰相身無愧也然而蒲柳衰頽閱  
之忱萼鱸動張翰之思其伴食以固位而不知退食以自  
安乃者明晨以請聖天子念吾老而許之以歸今則有  
家之可居而杖策携酒時省芝山樂意春融宦情雲薄舒  
老而適世懷不無望于宗家叫嘯者萬里每與愛梅兄相  
交累年而寒爐夜坐極談家宗之盛猛思派出銀青公

吾祖卽若祖其塋在錦里程錫坑往七樵牧謳歌于其上  
牛羊踐食于其間蓋鏤板榜禁約誠非其文霜露旣濡松  
楸動念忝其裔者盍亦爲之省警而已惟是峽山之地擬  
營菟裘第凡夫肉眼徒知山水之竒而不知其竒之竒也  
更冀特爲我顧而高提銀海以觀之愛梅之來幸與偕至  
臨風按楮不專凡我宗盟之後者鑒察之幸甚愛梅虎溪  
江夢良公之號又有江珍等虎溪之宿儒江大正杉坑之  
賢皆有功於譜

贊紫陽夫子爲介公所製文翰

故恭州通判玉汝江公顯宋乾淳間與紫陽夫子爲莫逆  
交其亡也夫子特筆銘之且謂其爲吏孳匕以愛民爲本  
又惜不至大用以溥其澤于天下公其爲人可知矣一日  
公某世孫橐其家藏紫陽註來書札及誌銘墨本過余余  
讀之而嘆曰昔賢者之交也以心不以迹以誠不以僞如  
有所譽者其有所試矣千載而下三復其文猶能發人高  
山景行之思爲其後者當何如耶

元統甲戌新安後學汪澤民謹拜手書

永祿甲子歲...

山景行...

...

...

公其...

...

...

...

贊紫閣夫子...



御胗公誥勅

奉

天承運

皇帝詔曰嘉善獎績茲爲國之恒經任能授職迺致治之  
要典匪能私濫曷克容慳固謂息秩宜錫有爾功江嘉有  
宏博之資天性明徹世宗醫學愜前聖遺旨實甲時英忱  
爲國珍今

聖王之構患

國母之艱孕俱以良劑而獲奇効歷傳鮮逮攷古罕聞非

素練之士孰能乎此朕甚感悅可無褒崇厥功以彰譽云  
哉特贈爾爲

封御胗公國醫少監秘書令奠

洙

思典誕膺

誥勅汝其欽命用休奕世遵守罔替勿忘允兆俾昌壽徵

永康生平寵遇綿遠炳煌

皇宋慶元庚申歲仲夏吉日

御製公誥




樂邑江一元公 誥命

奉

天承運

皇帝制曰資父事君臣子篤匪躬之誼作忠以孝國家宏  
錫類之恩爾江一元乃捐職州同加二級江滙川之父善  
積於身祥開厥後教子著義方之訓傳家裕堂構之遺茲  
以爾子克襄王事封爾爲奉直大夫錫之誥命於戲殊榮  
必逮於所親寵命用光夫有子尙宏佑啟益勵忱恂  
制曰奉職在公嘉教勞之有自推恩將母宜錫典之攸隆



爾曾氏乃捐職州同加二級江滙川之母壺範宜家風協  
承筐之媿母儀詒穀載昭晝荻之芳茲以爾子克襄王事  
贈爾爲宜人於戲彰淑德於不瑕式榮象服膺寵命之有  
赫允泉賁壚

嘉慶二十三年十月

日

